

25342

I

Mag. St. Dr.

kat. komp.









25342

I

P

Biblioteka Jagiellońska



stdr0003508

*Elisei Aurimontani. Ad Dantiscanos
belluorum et arma circumspicientes. Epistola.*

Anno 1638.

Hist. 3743

A 35/1117

ELISEI AVRI-
MONTANI

AD

DANTISCANOS
BELLVM ET ARMA
circumspicientes

E P I S T O L A

I N Q V A

Vatem eis popularem ex-
hibet.

Anno Dni. M. DC. XXXVIII.



25342



AMPLISSIMO SENATVI
CIVITATIQ; GEDANENSI,

Eliseus Aurimontanus S.



VM florentem fœlicitatem Vestram, quâ paucissimis retrò sæculis, sub mitiore regimine, vicinarum omnium ciuitatum Maiestatem, nouis opibus extinxistis. intueor: atq; pro comperto habeo, **INDISCRETAM FELICIVM PEDISSE- QVAM SVPERBIAM ESSE**, vixq; cuiquam contigisse, abundare fortunâ, & indigere arrogantia: in hoc rerum & animorum vestrorum æstu, quæ potentia Regum, ipsiq; Elemento Maris limites definire, nonnullorum opinione videmini; non potui, quin pro amore patriæ, impendentia Vobis fata (quæ armis ligonibusq; maturatis) paululum saltem morer, si deprecari non possum. Eâ causâ à periculosis consilijs, non meis vos verbis dimouere, sed viri magni, Ciuis quondam Vestri dehortari vaticinijs volui, vt memores vestri muneris, partam nuper Gustauiano bello constantia laudem, deserti officij infamia non deleatis. Legite ergo quæ IOANNES DANTISCANVS Culmenfis olim & Varmienfis Episcopus, personam Ionæ Prophetæ (ne Poëtam cogitatis) mutuatus, VRBI vestræ fata prænunciet.

Urbs

V Rbs noua diues opum Dantiscum, siue Gedanum,
 Accipe diurnâ qua Tibi mente loquor.
 Est bene tempus adhuc, si non peccata relinques,
 Hoc, quibus exundas tempore, fracta rues.
 Creuisti citò: sic etiam superis malè grata
 Decresces: instant iam Tua fata Tibi.
 Impietas, fastus, luxus, tria monstra ruinam
 Iam Tibi, ni fuerint prorsus abacta, parant.
 His tribus es iam facta tumens, effrans & exlex,
 Hinc quodcumq; liber iure licere putas.
 Parsq; Tui potior tribus his est plena Senatus,
 Humor hic in plebem deuus unde fluit.
 Interiisse prius propter tria funditus ista
 Cum populis urbes, oppida, Regna liquet.
 Hac nequit omnipotens tria ferre diuinus in Te,
 Qua nisi depuleris, Te grauis ira manet.
 Jamq; tibi gliscens excidia saua minatur,
 Ni properè facias, qua mea dicta monent.
 Imprimis redeas, redeas ad Religionis auita
 Quam Te scis temerè deseruisse uiam
 Non veterum fuge, non temnas pia dogmata Patrum:
 Et noua, namq; nouum despice, uirus habent.
 Mentis & inflata sinuosum pone tumorem
 Ex partis opibus qui Tibi magnus inest.
 Maior honestatis quam forma cura sit in Te,
 Ut iunctus nitcat cum probitate decor.

*Virgo regat patulo turgentes pectore mammas,
 Qua, quasi prostitui debeat, ire solet.*
*Non sit nupta procax, alienis compta capillis,
 Fascia ne superet, neuè Tyara modum.*
*Serica cum gemmis & torquibus exue: vestis
 Est satis huic statui lanea digna Tuo.*
Ille Tuos decuit Maiores, Te malus illam
Quis pudor hoc itidem tempore ferre vetat?
*Sisq; potestati iurata mente fidelis,
 Sub cuius placido regmine tuta viges.*
*Copia Te rerum non efferat haud maris ulla
 Prosperitas: verti nam solet illa breui.*
Paniteas lasisse DEVM, commissa fatere;
Et veniam, vitâ sub meliore petas.
*Lingue voluptates, sectas erroris, & omne
 In quo Te Domino noueris esse ream.*
*Et quod adulterijs, stupris, canisq; per hortos
 Peccasti, supplex corde gemente dole.*
*Inglunem vincant ieiunia, templaq; luces
 Quodq; Isai fuerat sit Metanâ Tibi.*
*Pauperibus largire libens, fratriq; remittas
 Noxam: quod partum fraude, repende, tenes.*
*Te nihil hinc sequitur, nisi quod prestabis egenis,
 Hoc siquidem vita sine carente beat.*
*Sic eris è multis, quæ restant, libera penis
 Mitior & fuerit vindicis ira DEI.*

Te plaga tandem moucant iam rer Tibi missa,
 Exitium grauius ne Tibi quarta ferat.
 Ante dedit pestes aër Tibi, nuper & ignes,
 Quid dederint vnda, non meminisse nequis.
 Hæc sed adhuc tria contemnens Elementa superbia,
 Te saltem reliquum cogat habere metum.
 Si cum Terrigenis (erit actum) Terra moueri
 Ceperit, in pradam facta iacebis humi.
 Ultrices AQVILÆ commercia publica tollent,
 Comprimet ANNONÆ VISTVLA clausus iter
 Infantem Draco depascens Tua mania cinget,
 Alite prognatus, cuius es ipsa, Jouis.
 Cumq, lupis aderunt Vrsi, cum Tygride Pardi,
 Cum catulis & item torua leana suis
 Vallaris liceat, iungas quoq, Pelion Ossa,
 Non secura tamen, ni DEVS adsit, eris.
 EXTERNIS tunc prasidijs frustrata manebis,
 Diuitijsq, Tuis despoliata gemes.
 Tunc Te destituent vires, ornatus, & omnes
 Deliria, quibus es, turpiter vsa satis.
 Quidquid in hortorum latebris, festisq, diebus
 Plebs spatians gessit, tunc miseranda lues.
 Impietas, fastus, luxus, tria monstra ruinam
 Tunc simul in barathrum, quod meruere, cadent.
 Admonui quondam Ninivitas: profuit, & Te
 Vt possim amoneo, si capis, adde fidem.

Longa-

*Longanimis solet esse DEVS, respiscat ut inde
Peccator tolerans crimina multa diu.*

*Quæ cum non cessant, castigat Et acrius affert
Cum magno, panas, sanore supplicij.*

lib. I.

Hæc sunt verba, non cæco impetu, sed excelsio iudicio, ne dicam, diuini numinis instinctu annis ab hinc centum, à vaticinante ciue Tuo ad Te scripta, & ea non hominis inglorij aut imperiti, ad resq; agendas vel diiudicandas minus idonei; sed magni illius Senatoris Regni, cui parem Gedanum non tulit; qui ab ineunte adolescentia in Principum nutritus aulis, capacem animum rerum varietate & vsu imbuerat; qui trium Poloniz Regum Alexandri, Ioannis Alberti, & Sigismundi, Secretarium non otiosum, eximie commendationis encomio egerat; qui Palestinâ, Iudæâ, Syriâ, Arabiâ, Cretâ, Dulichio, Corcyrâ, Rhodo, Græciâq; lustratâ; Hierosolymitanos, aliarumq; plurium superbissimarum Urbium, atq; Rerumpublicarum cineres, suis pedibus & oculis vsurparat: illius qui ad Clementem VII. Papam, Maximilianum I. & Carolum V. Cæsares, Ferdinandum Bohemiz Regem, omnesq; penè Christiani Orbis Monarchas, totos duodecim Annos, Orator Regius, Germaniam, Italiam, Galliam, Hispaniam, Britanniam, Belgium, Daniam non legationibus magis, quàm laudibus peragrarat: illius, qui, cum Veneta Respublica victricibus Imperatoris armis premeretur, ter ad eorum castra missus Legatus, certâ conditione pacem Venetis dedit: illius, quem Carolus V. Imperator, cum Imperij diadema positurus, omnium Regum ac Principum Legatos dimisisset, vnum ex omnibus elegit, qui se è Belgio in Hispaniam vsq; comitaretur: Huius, inquam, talis tantiq; viri hæc verba sunt & vaticinatio; quibus ego nihil addo vnum oro. Pone

magnis cogitationibus modum ô Gedanum meum, & te non Urbem Dominam, sed alienæ obnoxiam potestati considera. Scio, & memini, me ante annos propemodum quadraginta, aut amplius, in iuuentute, communissimâ Ciuitatis famâ (quam & apud extraneas deinde gentes vulgatam notavi) edoctum fuisse; Dantiscum Ciuitatem liberam, nequaquam Polonorum Dominium, sed Patrocinium duntaxat subiisse: tantoq; id facilius credebam, quanto plures, donatas libertate consimiles Ciuitates, in Imperio Romano numerabam; atq; adeò, innatâ mortalibus ambitione, sese ultra conditionem suam efferentibus, pro Patriæ libertate, non rarò cum rivalibus depugnabam. Verùm vbi crescente ætate paulo accuratius excutere cæpi annalium fidem; etiam quàm optarim citius, clariulque deprehendi; Nos, cum ob causas aliquas (iustæne illæ fuerint, adhuc quidam quærere audent) à Teutonici Ordinis obedientia diuertissemus, extremaq; meritò, nisi auxilij potentiâ itaq; metueremus, SVBDITORVM nomen; multis legationibus, magnis precibus, & (si Historiæ credimus) etiam lachrymis, à Poloniæ diu tergiuersante Rege emissee. Frustra ergo tam cito horum obliuisceris, quæ æternis literarum signata monumentis negare non audes. Sed neque tuæ magnitudini viribusq; aut opibus; neq; propugnaculis manibusq; & aquis multum fide. Prudentiam ex tot regnorum & urbium tibi non inferiorum euentu desume, quarum in vix adulto flore luxuriosa imperia ceciderunt, vt in ipsis iam suis sedibus quærantur. Non in remotas aut alio calentes sole terras te ducam: non centum portarum famâ illustres Thebas; non tot fortissimorum Ducum victricem Numantiam; non Carthaginem, Tarentum, Hierosolymas, Saguntum, Metapontium, suis insepulta pulueribus nomina, calamo etiam, aut aliarum hu-


iusce-

iuscemodi euerfarum Vrbium ingentia rudera ostendam tibi, Vicinam aspice Pomeraniam, & in ea potentissimam quondam Metropolim quare IVLINVM, præclarum (teste Crantzio) Vandalorum Emporium circa annum Christi nongentesimum tantis opibus mercatorumq; negotijs frequens quale vix tota habuit Europa, sola Constantinopoli excepta; quare, inquam, nunc tantam Ciuitatem, & ne locum quidem eius facile inuenieris. Laborat Historiarum fides vt Iulium fuisse credamus. Et ne antiquioribus vrbium casibus, meam Epistolam, & tuam memoriam onerem; quot nostro hoc sæculo in vno Belgio & Germania præstantissimas ciuitates, nobilissimas arces, munitissima propugnacula, quæ ingenium & astus, quæ obsidio & fames, quæ ferrum & flamma decepit, domuit, expugnauit, deiecit! Subeat in mentem Breda, militaris disciplinæ Gymnasium, quò Iuuentus præcipua Gallica, Anglica, Germanica, ad discendas belli artes conueniebat, ad quam magnum illud belli decus Mauritius, quoties de munitionum accuratis absolutisq; operibus sermo incidisset, militiæ peritos remittere tanquam ad exemplar consuevit: & tamen illa, intra septuaginta proximos annos, sexies deditionem facere compulsa est? quid Schenkianum memorem propugnaculum? quid Tellinæ vallis Curiam? quid clauem Franconiæ Regiam aulam? quid Austriæ Ratisbonam? quid Philipsburgum, Bacheracum, Manheimium? quid VVurtzburgum, Francofurtum, Forchemium? quid Heidelbergam, Augustam, Hildesum? quid VVolferbyctum, Hannouiam, Bensfeldam, Hemeliam, Boscoducum, Mantuam, Grollam, Vesaliam? Crempam & Hermesteiniam? & quid opus est, aut quis enumeret omnia, arces, vrbes, & oppida, quassatas, fractas, & domita, humanæ vicissitudinis & inconstantis fortunæ documenta? Ne itaq; manibus tuis & val-

lis superbias. Ne dixeris: Ciuitas Dantiscum est, & mansura Ciuitas est. Magdeburgum memoriâ repete (si parum adhuc tibi recensuisse videor) quantarum erat Vrbs illa virium! quàm vastis circumdata vallis! quàm firmis coronata muris! quàm altis obducta fossis! quàm multis cincta propugnaculis! quantisq; animis virisq; instructa, tot olim Imperatorum Ducumq; belli despectrix! & quam paucæ interfluxerunt horæ, inter urbem hanc magnam, & nullam! an Magdeburgo munitiorem Ciuitatem tuam existimas? Si opportuna liberi maris vicinitas, maiores animos sumere iubet; ad modestiam Ostenda te & Rupella vocant: ita hæc illaqueatum innodatumq; vinculis mare vidit, vt potentissimi Regis, spe & ventis inflata classis, ijs rumpendis fuerit impar, adeoq; etiamnum mare clausum libellis editis Angli fateantur. Si commoditate portus tui, Nobilitatem Polonam non posse carere existimas; vide ne erres. forte viam monstrabit necessitas, & alibi vbi minime speras portum aperiet. Antuerpia te terreat. Ostendit circa illam clatis Hispanis Battauorum industria, portuum celebritatem, non tam in situ locorum, quàm voluntate dominantium positam esse. Plurima nimirum temporum occasio immutat, multaq; non rarò etiam Regno vtilia, tollunt Reges, ne nimium fastui alterius concessisse videantur. Paria timenda habes, & nescio quibus ostentis, seq; inuerrentibus signis, inuerrendam tuam quoq; fortunam nonnulli augurentur. Si externarum auxilij gentium intumesceis, & dependere à fide illorum tua salus incipit, iam perijsti. Pauci Principes nostris seculis alicui Reipublicæ aut laboranti Ciuitati, nisi in rem suam subueniunt, & quam fida hæc auxilia sint te Palzologi in Orientis Imperij amissione, Maximilianus in Burgundiæ recuperatione, Galli in Neapolitani Regni occupatione docebunt,

cebunt. Ne itaq; aliena Regum ac Rerumpublicarum arma aduoces: cadere tuis potes. Staret adhuc forsitan hodie in solo nostro, Teutonicus Ordo, nisi eundem amica auxilia, ex Germania ingenti pecunia adducta, suamet sede exturbassent; expilatoq; prius stipendijs ærario, Marienburgensem arcem, pro qua contra Poloniæ Reges defendenda, vocata erant, Poloniæ Regibus vendidissent. Sed & Teipsum in exemplum cape, & qua ratione, dum à Voldemaro Brandenburgensi Marchione, milite cingereris, Regno aliquando subducta fueris, velis meminisse. Vocarat, allectus vicinitatis compendio, Crucigeros in subsidium Bogussius Capitaneus tuus: at illi, recedente ab arce & vrbe Marchione, eam pro Rege defensam, pro se retinuerunt, suoq; dominatui inmercedem laboris adiecerunt. Ita vnde sperari salus, inde timeri hostilia debent. Si deniq; in saltacitum tuum spem locas; attende, ne post Gallicos Entagrios, post Papienses Curtios, post Florentinos Papos, post Bataucos Claudios, post Neapolitanos Campobachios citò saltet; præsertim si argenteos obfides extra inuenerit. Verum me, tantummodò Vatem exhibere volentem Patriæ amor longius prouenit. Finio. Vosq; amplissimos Consules Ciuesq; populares meos, etiam atque etiam obtestor, vt reuocatâ beneficiorum memoriâ, quibus Regum magnificâ magis quàm prouidâ liberalitate ornati estis, officijq; vestris & gloriæ memores, à vobis ipsis non discedatis. Non impello vos, vt conuellatis Priuilegia, & immunitates vestras perturbetis, sed ne nimium literarum apicibus inhæreatis, atque num eorum, quorum est condere, interpretari sit, an vestrum, diligenter pensitetis. Nolite in aliquorum Optimatum beneuolentia ferociùs confidere, fauor is intra pacis consilia se continet; vbi arma inducet necessi-

tas (si tamen sine armis confici non possitis) suis, illos, non
 vestris, vrbibus studuisse aduertetis. Neq; vnius alicuius Rei-
 publicæ, aut Ciuitatis audacia vos accendat, cuius fortè te-
 meritatem fortuna adiuuit; cum tot millibus infortunatissi-
 mis exemplis terreamini Vrbium ac populorum, qui defectio-
 nis præmium, interitum retulerunt. Cauete ergo, ne immo-
 derata fiduciæ præsumptione & inconsultis ardoribus in res
 serò pænitendas properetis, neuè magis peruicaciam
 cum pernicië, quam obsequium cum securita-
 te eligatis. V.



non
Rei-
te-
ssi-
tio-
no-
res

